



Кун нафаси

Президентимиз Ўзбекистон Республикасининг «Виджон эркинлиги ва диний ташкилотлар тўғрисида»ги қонунини имзолади.

Давлат раҳбари бошчилигида узумчилик ва ипакчилик соҳасидаги мавжуд муаммолар ҳамда бу тармоқларни ривожлантиришда муҳим вазифалар бўйича видеоселектор йиғилиши бўлиб ўтди.

БМТнинг Превентив дипломатия маркази ташаббуси билан 7 июль кунини **Ўзбекистон, Афғонистон, Қозоғистон, Қирғизистон, Туркменистон ва Тожикистон ташқи ишлар вазирларининг виртуал форматдаги музокаралари** бўлиб ўтди.



Мамлакатимизда меҳмон бўлиб турган БМТ Бош Ассамблеясининг 75-сессияси раиси **Волкан Бозкир** 2021 йил 7 июль кунини **Самарқандда** бўлди.



«Тараққиёт стратегияси» маркази делегацияси айти кунларда ишчи ташриф билан **Туркия Республикасида** бўлиб турибди.



Тошкент вилояти ҳокими **Даврон Ҳидоят** Туркия Республикасининг Хатай провинцияси ҳокими **Лютфи Саваш** бошчилигидаги делегация билан учрашди.

Таълим инспекцияси бошлиғи **Улуғбек Ташкенбаев** олий таълим бўйича россиялик эксперт **Андрей Волков** билан **онлайн** учрашув ўтказди.



Олий Мажлиснинг Инсон ҳуқуқлари бўйича вакили (омбудсман) офисига Жанубий Калифорния университети доценти **Стив Марк Свердлов** ва Тошкентдаги Вебстер университети талабалари ташриф буюрди.



Мамлакатимизда жорий йилнинг 1 июлига қадар **51 мингдан ортиқ яқка тартибдаги тадбиркор** рўйхатдан ўтказилди.

Россия Федерациясининг Санкт-Петербург шаҳрида вақтинча меҳнат фаолиятини амалга ошираётган Ўзбекистон фуқароларига зарур консуллик ва ҳуқуқий ёрдам курсатиш мақсадида **мамлакатимизнинг Санкт-Петербургдаги Бош консулхонаси, Ташқи меҳнат миграцияси агентлиги вазоклатхонаси** ҳамда «Uzbekistan aigways» акциядорлик жамияти вакиллари «СтройКрафт» корхонасининг қурилиш майдонига ташриф буюрди.

Молия вазирлиги Ахборот-ҳисоблаш маркази томонидан «UzASBO» дастурий мажмуасини ривожлантириш ва бюджет ташкилотларига замонавий технологик хизматларни кўрсатиш учун шароитлар яратиш мақсадида Ахборот-ҳисоблаш маркази ва тўлов хизматларини тақдим этувчи «ТВС» банк акциядорлик тижорат банки ўртасида меморандум имзоланди.

МТРК тизимида «**Ҳидоят сари**» илмий-маърифий **онлайн телеканали** ташкил этилди.

Интернет хабарлари асосида тайёрланди.

2021 йил
8 июль
пайшанба
№ 86-87
(4527)

Ishonch

Юрт тараққиёти йўлида бирлашайлик!

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

Президентга мактублар: «БИЗ ҲАЁТДАН РОЗИМИЗ!»



Ҳаётда турфа тақдирлар бор. Тақдир зарбалари баъзан одамни эсанкиратиб қўяди, баъзан тақдир раво кўрган ҳаёт билан яшашига маҳқум бўлади инсон. Нима бўлганда ҳам, ҳаёт учун курашдан чекинмаслик, матонат ва сабот билан олға интилиш керак. Аммо баъзан бунга етарли куч тополмай қоламиз. Ўзимиз билиб-билмай атрофдан бир мадад, бир меҳр кутамиз. Шундай вазиятда бир кичик туртки ҳам инсон ҳаётини ўзгартириб юбориши мумкин.

Президент Шавкат Мирзиёевнинг оқилона ва инсонпарварлик сиёсати бугун «Аёллар дафтари»ни варақлаганда яққол сезилади.

Амалга оширилаётган ишларни таҳлил қилганда обод бўлаётган ҳаёт, обод бўлаётган кўнгуллар манзаралари намён бўлади.

«Ishonch» газетасига «Аёллар дафтари» сабаб нурафшон бўлган кўнгулларнинг дил изҳорлари – миннатдорлик мактублари келмоқда. Улар ҳаётбахш ташаббус эгаси – Президент номига битилган.

Тахририят ушбу дилномаларнинг баъзиларини эълон қилган эди. Бу сафар ҳам айрим дилномалар билан танишасиз. Зеро, матбуот – жамият кўзгуси, жамият минбари. Мактубларда эса битта муҳим маъно бўй кўрсатиб турибди: **БИЗ ҲАЁТДАН РОЗИ БЎЛАПМИЗ!**

> 2-3



Ўзбекистон касаба уюшмалари Федерациясида куну тун фаолият кўрсатадиган


12-11

қисқа рақамли «Ишонч телефони», яъни «Call-center»га

мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.

Одамлар нималар дейишмоқда?

Энергетика тизими НА ИССИҚҚА, НА СОВУҚҚА дош бера олади



Зомин илҳомлари

Айни пайтда сўлим гўша бўлган Ўриклисойда ёш ижодкорларни жам қилган Зомин семинари давом этмоқда. Унда иштирокчилар шўъбаларга бўлинган ҳолда машғулотларда қатнашишяпти, устозлардан маҳорат дарсларини тинглаш баробарида ўзларининг ижод намуналарини тортиқ этишяпти. Зомин семинари бу гал ҳам ўзига хос истеъдод эгаларини кашф этмоқда...

7-саҳифада ўқинг...

Ўзбекистон энергетика тизими ўтириб қолганини аномал иссиқ кузатилаётган шу кунларда яна бир марта кўрсатиб қўйди. Тошкентнинг тенг ярми соатлаб чироқсиз қолди, метро зулматга чўмди. Пойтахтдаки аҳвол шундай бўлганидан кейин, чекка ҳудудлардаги вазиятни ўзингиз тасаввур қилаверинг.

Ҳамма айб одатдагидай табиатда. Ҳарорат кескин кўтарилиб кетди. Истеъмор сарфи ортиб, тизимда зўриқишлар келиб чикди... Бизнинг жонажон энергетика тизимимиз эса на иссиққа, на совуққа дош бера олади.

Энергетика вазирлиги ҳар гал соҳада жуда катта ишлар қилинаётганини айтган экан, тизимда йиллар давомида муаммолар йиғилиб қолганини, уларни бирданига ҳал этиб бўлмастлигини гапиришдан чарчамайди. Буни эшитган одамда «булар бу соҳани тириштириш учун келган янги куч экан-да», деган тасаввур пайдо бўлади.

Ваҳоланки, тизимдаги мансаб курсиларни эгаллаб ўтирганларнинг аксарияти ўша муаммолар мерос қолган эски даврда ҳам шу атрофларда куймаганиб юрган «ватанпарварлар» ҳисобланади.

Президент Администрацияси раҳбари имзоси билан 2021 йил 3 июлда чиқарилган шойинчи топшириқда энергетика тармоқлари, хусусан, электр энергияси билан барқарор таъминлаш, авария ҳолатлари олдини олиш ва тезкор бартароф этиш чораларини кўриш белгиланган эди. Бунинг ижроси амалда қай даражада эканлигига ортиқча

изоҳ шарт эмас.

Вазиятни қуруқ гап, баландпарвоз ваъдалар билан ўнглаб бўлмайдими. Амалий ишлар, реал натижалар керак халққа. Шу ўринда биргина 2021 йилнинг 1 чорак якуни бўйича жами давлат ташқи қарзининг 27,1 фоизи ёки 5,6 млрд. доллар электр энергетикаси ва энергетика соҳаларига йўналтирилганини эсласанки, соҳага сарфланаётган ушбу маблағларни расамади билан йўналтириш, лойиҳаларни сифатли бажариш шарт. Йўқса, айбни яна узоқ йиллар табиатга тўнкаб ўтираверамиз.

t.me/xolisfikr



Дунё янги «ПАНДЕМИЯ» қаршисида (ми?)

Ҳар йили дунё бўйлаб **12 миллион гектар**, 1 дақиқада эса **23 гектар** ер чўлланади. Шу кунларда ер юзининг **75 фоизи** чўлланди. Агар бу таҳдид давом этаверса, 2050 йилга бориб ер юзининг **95 фоизи** яроқсиз ҳолга келади. Чўлланган сувли ҳудудларнинг **87 фоизи** охириги 300 йил ичидан шундай ҳолга келган. Яна ҳам яқин тарихга қарайдиган бўлсак, чўлланишнинг **54 фоизи** охириги 100 йилга тўғри келган.

5-саҳифада ўқинг...

ФВВ огоҳлантиради: Кучли шамол Бўлиши мумкин!

Гидрометеорология хизмати маркази хабарига кўра, 8 июлда Ўзбекистоннинг шимолий ҳудудларига, 9-10 июль кунлари республиканинг барча ҳудудларига Каспий денгизи орқали Кавказ ҳудудлари устида шаклланган нисбатан салқин ҳаво массалари кириб келади.

8-10 июль кунлари баъзи жойларда шамол тезлиги 15-20 метр/секундгача кучайиши кутилмоқда. Баъзи жойларда эса чангли бўрон билан 25-30 метр/секундгача етиши мумкин.

Шу муносабат билан ФВВ фуқаролардан кучли шамол кузатилганда кўчада ҳаракатланмаслик, автомобилларни дараклар ва бошқа турли мустақкам бўлмаган конструкциялардан узоқроқ, хавфсиз жойга қўйишни сўраган.

